

補晉書藝文志

吳士萱題

補晉書藝文志卷第四

善化黃逢元木父撰

丁部集錄三類四百五十四部四千三十卷無卷數者一十

九家

楚辭類一

別集類二

總集類三

楚辭三卷

郭璞注

本隋志唐新舊志十卷

楚辭音一卷

徐邈撰



見隋志

右楚辭二部凡四卷

劉勰有言楚辭者雅頌之博徒詞賦之英傑故西漢以來枚  
賈馬揚靡不導源湘水取實楚材而一時稱盛攷厥注家自  
淮南王安始逮至王逸章句迺傳晉人承之惟傅玄擬體頗  
富散在別集外無專書錄郭徐二氏存一家之學以冠部首  
宣帝集五卷錄一卷

本七錄隋志新唐志少錄一卷舊唐志十卷今存嚴可均

全晉文輯本元案本書帝紀宣帝卒在魏齊王芳永嘉三

年隋志次晉誤本志過而存之說見序例

文帝集三卷

本隋志舊唐志一卷新唐志二卷今存嚴輯本元案本書  
帝紀文帝魏元帝咸熙二年八月卒十二月魏始禪隋志  
次晉誤

齊王攸集三卷

本七錄隋志二卷今存嚴輯本攸有傳字大秋

司空王沉集五卷

見隋志缺官補題今存嚴輯本元案梁元帝金樓子立言

篇引沉集又書鈔九十九引沉集序所云與本書沉傳同  
据此知是集爲司空王沉撰在晉初宣隋志次齊王攸集  
後本書文苑傳有王沉惠帝時著釋時論官郡文學別一  
人

儀同三司鄭袤集二卷

見七錄袤有傳字林叔滎陽開封人魏志鄭渾傳注引晉  
陽猷袤字一作材叔

宗正嵇喜集二卷錄一卷

本七錄隋志存一卷唐新舊志復作二卷書鈔六十八引

存喜集喜作熹今存嚴輯本

散騎常侍薛瑩集三卷

本隋志新唐志二卷次三國吳元案吳志薛綜傳瑩卒在  
晉太康三年故隋志次晉書鈔五十七引存瑩集今存嚴  
輯本

散騎常侍應貞集五卷

本七錄隋志存一卷唐新舊志復作五卷今存嚴輯本  
司隸校尉傅玄集五十卷錄一卷

本七錄隋志存十五卷舊唐志五十二卷新唐志五十卷

宋志一卷明張溥百三家集存一卷又存嚴輯本

著作郎成綏集十卷

本七錄隋志存九卷注云殘缺唐新舊志復作十卷書鈔

一百引存綏集今存嚴輯本文選嘯賦注引臧榮緒晉書

曰成公綏字子安東郡人徵爲博士歷中書郎今晉書有

傳云東郡白馬人歷秘書郎轉丞遷中書郎均不言著作

司空裴秀集三卷錄一卷

見七錄今存嚴輯本

金紫光祿大夫何禎集五卷

本七錄隋志存一卷唐新舊志復作五卷元案魏志管寧傳何禎作何楨注引文士傳云何楨字元幹廬江人歷幽州刺史延尉入晉爲尙書光祿大夫本書何充傳充曾祖禎魏光祿大夫又書鈔五十七引虞預晉書何禎傳云禎字元幹與文士傳同旣以幹爲字則禎當從魏志寧傳及文士傳作楨爲是虞預晉書誤隋志今晉書均承之類聚六引存楨集今存嚴輯本

給事中袁準集二卷錄一卷

見七錄今存嚴輯本



少傅山濤集五卷錄一卷

本七錄隋志九卷注云又一本十卷齊奉朝請裴津注今存嚴輯本元和姓纂十九代佀姓條引作晋山公集

散騎常侍向秀集二卷錄一卷

見七錄今存嚴輯本

平原太守阮种集二卷錄一卷

見七錄書鈔六十引存題作阮德猷集今存嚴輯本种有傳字德猷陳留尉氏人

河內太守阮侃集五卷錄一卷

見七錄缺官補題釋文序錄云侃字德恕陳留人河內太守

太傅羊祜集二卷錄一卷

本七錄隋志存一卷唐新舊志復作二卷今存嚴輯本

蔡玄通集五卷

見七錄

太宰賈充集五卷錄一卷

本七錄唐新舊志二卷

秘書監荀勖集三卷錄一卷

本七錄唐新舊志二十卷書鈔五十九引存勛集百三家  
集存一卷又存嚴輯本

征南將軍杜預集十八卷

本隋志唐新舊志二十卷書鈔九十四又一百十九引存  
預集序百三家集存一卷又存嚴輯本

輔國將軍王濬集二卷錄一卷

本七錄隋志存一卷唐新舊志復作二卷書鈔百三十七  
引存濬集今存嚴輯本濬有傳字士治弘農湖人

徵士皇甫謐集二卷錄一卷

見隋志書鈔五十九御覽目又卷二百四十引存謚集今  
存嚴輯本

侍中程咸集三卷

本隋志唐新舊志二卷今存嚴輯本元案搜神後記卷三  
程咸字咸休晉武帝時位至侍中又書鈔五十八引王晉  
書云咸字延祚又引臧晉書字同

光祿大夫劉毅集二卷錄一卷

見七錄御覽目引存毅集今存嚴輯本毅有傳字仲雄東  
萊掖人又有劉毅字希樂彭城沛人在東晉末

侍中庾峻集二卷錄一卷

本七錄唐新舊志併作三卷今存嚴輯本峻有傳字山甫  
穎川鄆陵人

巴西太守卻正集一卷

見隋志今存嚴輯本正蜀志有傳字令先河南偃師人仕  
蜀爲秘書郎入晉仕至巴西太守

散騎常侍陶濬集二卷錄一卷

本七錄唐新舊志併作三卷元案本書陶璜傳璜丹陽秣  
陵人弟濬吳鎮南大將軍荊州牧當即其人梁錄題云散

騎常侍殆入晉官此

通事郎江偉集六卷

本隋志唐新舊志五卷今存嚴輯本曰云偉陳留襄邑人  
宜城令宣舒集五卷

本七錄舊唐志舒誤聘新志誤聘三卷今存嚴輯本  
散騎常侍曹志集二卷錄一卷

見七錄今存嚴輯本志有傳字允恭陳思王庶子  
少府卿鄒湛集三卷錄一卷

本七錄唐新舊志併作四卷今存嚴輯本

汝南太守孫毓集六卷

本隋志舊唐志二卷新唐志五卷今存嚴輯本

處士楊泉集二卷錄一卷

見七錄今存嚴輯本次全三國文吳

司徒王渾集五卷

見七錄御覽二十九引存渾集今存嚴輯本渾有傳字立

冲太原晉陽人

冀州刺史王琛集五卷

本七錄唐新舊志四卷元案本書王祥附傳覽子琛字士

瑋國子祭酒又御覽二百四十五引晉起居注作尙書郎

王琛均不言冀州刺史

徵士閔鴻集三卷

本隋志唐新舊志二卷今存嚴輯本次全三國文吳元案

本書陸雲傳云吳尙書廣陵閔鴻入晉徵不就

光祿大夫裴楷集二卷錄一卷

見七錄今存嚴輯本楷有傳字叔則河東聞喜人

司空張華集十卷錄一卷

本隋志晁志通攷三卷宋志二卷又詩一卷百三家集存



一卷又存嚴輯本

尚書僕射裴頤集九卷

本隋志唐新舊志通志均十卷類聚五十二引存頤集今  
存嚴輯本

太子中庶子許孟集三卷錄一卷

本七錄唐新舊志二卷元案本書賈謐傳二十四友有高  
陽許猛孟疑猛字之脫誤魏志夏侯玄傳有中領軍高陽  
許允注引世語允子猛字子豹晉元康幽州刺史今存嚴

輯許猛集

太宰何劭集二卷錄一卷

見七錄劭埒何曾傳字敬祖

光祿大夫劉頌集二卷錄一卷

見七錄今存嚴輯本頌有傳字子雅廣陵人官終光祿大夫

太尉劉寔集二卷錄一卷

見七錄缺官補題今存嚴輯本

散騎常侍王佑集三卷錄一卷

本七錄唐新舊志二卷元案本書王湛埒傳王嶠父佑位

至北軍中候

驃騎將軍王濟集二卷

見七錄今存嚴輯本濟坳王渾傳字武子

少卿華嶠集八卷

本隋志注云梁二卷缺官補題舊唐志一卷新唐志復作  
二卷初學記十二御覽二百二十四又二百三十三引存  
嶠集書鈔五十八又九十九引存嶠集序今存嚴輯本

秘書丞司馬彪集三卷錄一卷

本七錄隋志併作四卷唐新舊志三卷今存嚴輯本

尚書庾儵集二卷錄一卷

本七錄唐新舊志併作三卷今存嚴輯本元案魏志管寧傳注引庾氏譜儵作霽潁川人字玄默晉尚書陽翟子類聚六初學記七引晉庾倏冰井賦倏即儵字

國子祭酒謝衡集二卷

見七錄今存嚴輯本元案本書謝鯤傳鯤陳國陽夏人父衡以儒素顯仕至國子祭酒

漢中太守李虔集二卷錄一卷

本七錄隋志存一卷唐新舊志均十卷十即一之譌本書

孝友李密傳密一名虔官終漢中太守今存嚴輯本題作

李密

太子中庶子棗據集二卷錄一卷

見七錄據有傳字道彥潁川人云所著詩賦論四十五首  
遇亂多亡佚今存嚴輯本

安北將軍劉寶集三卷

見七錄缺官隋志史部有劉寶漢書駁議二卷題安北將  
軍據以補今存嚴輯本

馮翊太守孫楚集十二卷錄一卷

本七錄隋志存六卷唐新舊志十卷百三家集存一卷又存嚴輯本楚有傳字子荆太原人

散騎常侍夏侯湛集十卷錄一卷

見隋志注云梁有錄一卷百三家集存一卷又存嚴輯本弋陽太守夏侯淳集二卷

本七錄唐新舊志十卷今存嚴輯本淳埒夏侯湛傳字孝冲即湛弟

司隸校尉傅咸集三十卷錄一卷

本七錄隋志存十七卷唐新舊志復作三十卷書鈔六十

又六十一又六十二又一百二十四引存咸集百三家集  
存一卷又存嚴輯本咸附傳玄傳字長虞

散騎侍郎王讚集五卷

本七錄舊唐志三卷新唐志二卷今存嚴輯本元案文選  
王正長雜詩注引臧晉書王讚字正長義陽人博學有俊  
才辟司空掾歷散騎侍郎卒本書荀晞傳有征虜將軍王  
讚別一人

衛尉卿石崇集六卷

本隋志注云梁有錄一卷唐新舊志五卷今存嚴輯本崇

有傳字季倫渤海南皮人

尚書郎張敏集五卷

本七錄宋志二卷世說排調篇注引存敏集今存嚴輯本

黃門郎伏偉集一卷

見七錄

黃門郎潘岳集十卷

本隋志宋志七卷百三家集存一卷又存嚴輯本

太常卿潘尼集十卷

本隋志百三家集存一卷又存嚴輯本尼有傳字正叔榮



陽人

頓丘太守歐陽建集二卷

見隋志今存嚴輯本建埶石崇傳字堅石渤海人官馮翊太守世說仇隙篇注引晉陽秋亦云馮翊太守均與隋志所題不合

宗正劉許集二卷錄一卷

本七錄舊唐志劉許誤作劉訐元案世說排調篇注引晉百官名劉許字文生涿鹿郡人父放魏驃騎將軍許惠帝時爲宗正劉孝標案云許與張華同郡

散騎常侍李重集二卷

見七錄書鈔六十初學記十一文選褚淵碑注御覽二百  
三引存重集今存嚴輯本重有傳字茂曾江夏鍾武人

光祿大夫樂廣集二卷錄一卷

見七錄廣有傳字彥輔南陽育陽人

馮翊太守阮渾集二卷錄一卷

見七錄缺官補題

始平太守阮咸集一卷

見宋志今存嚴輯本

建威參軍劉伶集三卷

見宋魏泰臨漢隱居詩話云東坡詩云文章不在多一頌

了伯倫朱少章云唐藝文志有劉伶文集三卷坡豈偶忘

乎又見王若虛滹南詩話

宋朱翌字少章有風月堂詩話此說當出詩話

元案新

唐書藝文志舊唐書經籍志均無伶集本書伶有傳字伯

倫沛國人嘗爲建威參軍未嘗厝意文翰惟著酒德頌一

篇据傳伶本無文集朱云唐志三卷或宋刻有而今本脫

又案文選陶徵士誄注云劉劭集有酒德頌劭即伶之譌

是亦伶有文集之一證朱說不爲無据

侍中嵇紹集二卷錄一卷

見隋志文選趙景真與嵇茂齊書注引存紹集今存嚴輯  
本紹有傳字延祖譙國鉅人

錢唐令楊建集九卷

本七錄舊唐志二卷

長沙相盛彥集五卷

見隋志今存嚴輯本彥有傳字翁子廣陵人

左長史楊乂集三卷錄一卷

見七錄今存嚴輯本

尚書盧播集二卷錄一卷

本七錄隋志存一卷唐新舊志復作二卷今存嚴輯本元案類聚五十三阮籍與晉文王書薦盧播有伏見鄙州別駕同郡盧播年三十二字景宣云云据此知播爲陳留人尚書郎欒肇集五卷錄一卷

本七錄缺官補題舊唐志二卷新唐志復作五卷

南中郎長史應亨集二卷

見七錄書鈔五十七初學記十二引存亨集今存嚴輯本目云亨應貞從孫

國子祭酒杜育集二卷

見隋志今存嚴輯本元案世說品藻篇注育字方叔襄城人

太常卿摯虞集十卷錄一卷

本七錄隋志存九卷舊唐志二卷新唐志復作十卷百三家集存一卷又存嚴輯本

秘書監繆徵集二卷錄一卷

見七錄今存嚴輯本元案魏志劉劭傳注引文章志知徵爲魏尚書光祿勳東海繆襲孫兄播本書有傳書鈔六十

二卷三引繆世應石鑿碑一稱繆世應集世應當即徵字  
本書張軌傳有秘書監繆世徵是名字混合而誤又和嶠  
傳有後監繆徽徽即徵之譌

齊王府記室左思集五卷錄一卷

本七錄隋志存二卷唐新舊志復作五卷今存嚴輯本思  
有傳字太冲齊國人

豫章太守夏侯靖集二卷錄一卷

本七錄唐新舊志卷同作夏侯靖侯字衍誤文館詞林百  
五十七引有夏侯靖答陸士衡詩可證

吳王文學鄭豐集二卷錄一卷

本七錄唐新舊志併作三卷今存嚴輯本元案吳志大帝傳赤烏二年注引文士傳豐爲鄭胄子沛國人字曼季司空張華辟未就卒

大司馬東曹掾張翰集二卷錄一卷

見七錄今存嚴輯本翰有傳字季鷹吳郡人有文筆數十篇行世

清河王文學陳略集二卷錄一卷

見七錄元案書鈔六十五引臧晉書云陳略字永曜有譽



西湖渡江爲太子太保也是集題清河王文學或別一人揚州從事陸冲集二卷錄一卷

見七錄今存嚴輯本

平原內史陸機集四十七卷錄一卷

本七錄隋志存十四卷唐新舊志十五卷宋志十卷百三家集存二卷又存嚴輯本元案機傳云所著文章三百餘篇行世書鈔五十七存陸機集序嚴輯本脫序字又書鈔一百四陸雲與兄平原書云前集兄文爲二十卷書不工紙不精恨之

清河內史陸雲集十卷錄一卷

本七錄隋志十二卷唐新舊志宋志復作十卷百三家集  
存二卷又存嚴輯本元案雲傳云所著文章三百四十九  
篇

少府丞孫拯集二卷錄一卷

見七錄唐新舊志卷同均誤作孫極通志作孫丞元案孫  
拯埶陸機傳字顯世吳郡富春人又吳志孫桓傳注引吳  
書及文士傳又世說尤悔篇注皆作丞書鈔一百二十一  
引作司馬孫掾通鑑攷異引晉春秋又作丞文館詞林百

五十六有孫承贈陸機詩機答承詩人一而名數異形聲  
均近未知孰是

中書郎張載集七卷

本隋志注云梁一本二卷錄一卷舊唐志三卷新唐志一  
卷百三家集存一卷又存嚴輯本載有傳字孟陽安平人  
黃門郎張協集四卷錄一卷

本七錄隋志存三卷唐新舊志二卷百三家集存一卷又  
存嚴輯本協字景陽埶見載傳

著作郎束皙集五卷錄一卷

本七錄隋志七卷唐新舊志復作五卷宋志一卷書鈔五十八兩引摺集百三家集存一卷又存嚴輯本

征南司馬曹摠集三卷錄一卷

本七錄唐新舊志二卷今存嚴輯本摠有傳字顏遠譙國譙人官終征南司馬

散騎常侍江統集十卷錄一卷

本七錄宋志一卷今存嚴輯本

著作郎胡濟集五卷錄一卷

見七錄今存嚴輯本本書隱逸伍朝傳有尙書郎胡濟疑

即其人

中書令卞粹集五卷

本七錄隋志存一卷唐新舊志二卷今存嚴輯本元案卞  
壺傳壺父粹字玄仁濟陰冤句人

光祿勳閻巨冲集二卷錄一卷

見七錄今存嚴輯本元案世說品藻篇注引荀綽兗州記  
冲字賓卿高平人家世二千石

太傅從事中郎庾敳集五卷錄一卷

本七錄隋志存一卷唐新舊志二卷今存嚴輯本敳庾峻

附傳字子嵩

太子中舍人阮瞻集二卷錄一卷

見七錄今存嚴輯本瞻附阮籍傳字千里

太子洗馬阮修集二卷錄一卷

見七錄今存嚴輯本修附阮籍傳字宣子

廣威將軍裴邈集二卷錄一卷

見七錄元案魏志裴潛傳注引荀綽冀州記邈裴頠從父

弟字景聲爲太傅司馬越從事中郎假節監中外諸營事

世說雅量篇注引晉諸公贊邈歷官與冀州記同均不言

廣威將軍

太傅主簿郭象集五卷錄一卷

本七錄隋志存二卷官題太傅郭象今据象傳題作太傅主簿舊唐志卷同新唐志通志復作五卷今存嚴輯本

廣州刺史嵇含集十卷錄一卷

見七錄書鈔九十七又一百三十一引存含集今存嚴輯本

安豐太守孫惠集十一卷錄一卷

本七錄隋志存八卷唐新舊志十卷今存嚴輯本惠有傳

字德施吳國富陽人

松滋令蔡洪集二卷錄一卷

見七錄世說言語篇注引存洪集錄賞譽篇注引存洪集  
今存嚴輯本

平北將軍牽秀集三卷錄一卷

本七錄隋志併作四卷唐新舊志五卷今存嚴輯本秀有  
傳字成叔武邑觀津人

車騎從事中郎蔡克集二卷錄一卷

見七錄今存嚴輯本元案蔡謨傳父克字子尼濟陽考城



人克一作充

遊擊將軍索靖集三卷

本七錄唐新舊志二卷宋志一卷今存嚴輯本

隴西太守閻纂集二卷錄一卷

見七錄今存嚴輯本元案本書揚駿傳有太傅舍人巴西閻纂纂即閻纘有傳字纘伯巴西安漢人官至漢中太守又華陽國志序志作漢中太守閻纘伯書鈔六十九引干寶晉紀作閻纘伯又唐書宰相世系表閻氏云璞生晉殿中將軍漢中太守讚各書互異其實一人書鈔五十七引

間暮集四言詩啓間暮即閤纂二字之脫誤

秦州刺史張輔集二卷錄一卷

見七錄今存嚴輯本輔有傳字世倬南陽西鄂人

交州刺史殷巨集二卷錄一卷

見七錄今存嚴輯本元案吳志顧邵傳注引文士傳巨字

元大興子仕吳爲偏將軍入晉歷交趾太守

太子洗馬陶佐集五卷錄一卷

見七錄

益陽令吳商集五卷

見七錄今存嚴輯本隋志經部禮類注引梁錄有益壽令  
吳商禮難十二卷益壽爲益陽之譌

仲長敖集二卷

見七錄類聚二十一存敖覈性賦

鄱陽太守虞溥集二卷錄一卷

見七錄今存嚴輯本

太常卿劉弘集三卷錄一卷

見七錄今存嚴輯本弘有傳字和季沛國相人魏志劉馥  
傳注引晉陽秋弘字作叔和

開府山簡集二卷錄一卷

見七錄簡坳山濤傳字季倫

兗州刺史宗岱集二卷

本七錄唐新舊志三卷元案隋志經部有周易論一卷作  
荊州刺史宋岱撰御覽八百八十四引裴子語林宗岱官  
終青州刺史

侍中王峻集二卷錄一卷

見七錄

濟陽內史王曠集五卷錄一卷

見七錄今存嚴輯本元案本書王羲之傳父曠淮南太守  
惠帝紀有丹陽太守王曠顧榮傳有丹陽內史王曠又魏  
志裴潛傳注引晉諸公贊有侍中王曠均不言濟陽內史  
疑濟陽爲丹陽之譌又御覽一百八十四引語林曰大將  
軍丞相諸人在此閉戶共爲謀身之計王曠世宏來在戶  
外諸人不容之乃剔壁闕之云云据此世宏當爲曠字

散騎常侍棗嵩集一卷

見隋志注云梁二卷錄一卷唐新舊志復作二卷嵩附棗  
據傳字臺產

襄陽太守棗腆集二卷錄一卷

見七錄腆埒棗據傳字玄方永嘉中爲襄城太守梁錄題作襄陽未知孰是

太尉劉琨集十卷

本七錄隋志存九卷唐新舊志通志宋志復作十卷百三家集存一卷又存嚴輯本琨有傳字越石中山魏昌人

又別集十二卷

見隋志

司空從事中郎盧諶集十卷

見隋志注云梁有錄一卷文選盧諶贈崔溫詩注引存諶  
集今存嚴輯本

秘書丞傅暢集五卷

見隋志注云梁有錄一卷今存嚴輯本

明帝集五卷錄一卷

見七錄今存嚴輯本

簡文帝集五卷錄一卷

見七錄今存嚴輯本

孝武帝集二卷錄一卷

見七錄今存嚴輯本

彭城王紘集二卷

本七錄唐新舊志八卷今存嚴輯本紘有傳字偉德彭城

穆王權孫

譙烈王無忌集九卷錄一卷

本七錄名缺今補唐新舊志三卷宗室有傳名無忌字公

壽譙剛王遜孫

會稽王道子集九卷

本七錄隋志存八卷今存嚴輯本宗室有傳名道子字道



子簡文帝第五子

鎮東從事中郎傅毅集五卷

見七錄書鈔一百三十四引存毅扇銘

衡陽內史曾環集四卷錄一卷

本七錄隋志存三卷唐新舊志併作五卷今存嚴輯本

驃騎將軍顧榮集五卷錄一卷

本七錄舊唐志二卷今存嚴輯本榮有傳字彥先吳國吳

人

司空賀循集二十卷錄一卷

本七錄隋志存十八卷唐新舊志復作二十卷今存嚴輯本

散騎常待張杭集二卷錄一卷

本七錄新舊唐志三卷杭作抗元案書鈔一百四紙類引存張抗詩陳本書鈔抗一作杭

車騎長史賈彬集三卷錄一卷

本七錄唐新舊志卷同誤作賈霖書鈔一百五十四引賈林感秋賦林亦彬之誤今存嚴輯本

光祿大夫衛展集十五卷

本七錄隋志存十二卷舊唐志四十卷新唐志十四卷今  
存嚴輯本展坳衛恒傳字道舒

太尉荀組集三卷錄一卷

本七錄舊唐志二卷新唐志一卷今存嚴輯本組坳荀勗  
傳字大章

關內侯傅珉集一卷

見七錄

光祿大夫周顓集二卷錄一卷

見七錄今存嚴輯本顓有傳字伯仁汝南安成人

太常謝鯤集二卷

本七錄隋志六卷唐新舊志復作二卷鯤有傳字幼輿陳國陽夏人

秘書郎張委集五卷

本七錄隋志九卷舊唐志十卷今存嚴輯本元案御覽三百五十八引存張委九愍次在顏延之七繹下殷玉宣貴妃誄上嚴輯本据此故誤列張委在全宋文中

驃騎將軍王虞集三十四卷錄一卷

本七錄隋志存十卷今存嚴輯本

秘書監華譚集二卷

見七錄缺官補題書鈔六十通典二十三引存譚集今存

嚴輯本

御史中丞熊遠集五卷錄一卷

本七錄隋志十二卷唐新舊志復作五卷今存嚴輯本遠有傳字孝文豫章南昌人

湘州秀才谷儉集一卷

見七錄今存嚴輯本通典五十九引晉谷士風叔母寡姑遣還未嫁而亡服議嚴輯云士風即儉字本書甘卓傳云

備禮舉桂陽谷儉爲秀才後以高第除中郎儉恥銜耀取  
達遂歸終身不仕

大鴻臚周嵩集三卷錄一卷

見七錄今存嚴輯本嵩有傳字仲智汝南安成人

弘農太守郭璞集十卷錄一卷

本七錄隋志十七卷唐新舊志復作十卷宋志六卷百三  
家集存二卷又存嚴輯本元案璞傳云所著碑誄詩賦百  
卷

大將軍張駿集八卷

見隋志注云殘缺今存嚴輯本駿有傳字公庭安定烏氏人隋志缺官据傳補題

大將軍王敦集十卷

本隋志唐新舊志五卷書鈔五十七引存敦集今存嚴輯本敦有傳字處仲臨沂人

吳興太守沈充集二卷

見七錄今存嚴輯本

散騎常侍傅純集二卷錄一卷

見七錄今存嚴輯本

光祿大夫梅陶集二十卷錄一卷

本七錄隋志存九卷唐新舊志十卷今存嚴輯本

散騎常侍王覽集九卷

見隋志注云梁五卷元案王覽即王鑒之譌唐新舊志無  
王覽集有王鑒集五卷本書王鑒有傳字茂高堂邑人官  
永興令有文集傳世其不言散騎常侍者傳略案隋志編  
錄體例凡兄弟有集必類次之如夏侯湛夏侯淳阮渾阮  
咸陸機陸雲張載張協棗腆棗嵩等集可證志於王覽集  
九卷下注云梁五卷又有晉著作佐郎王濤集五卷濤即



王鑿弟與夏侯阮陸諸集自同一律據此知覽集爲鑿集無疑如以爲太傅王祥弟宗正卿覽時在西晉初集不得次在東晉今存嚴輯王鑿集

著作佐郎王濤集五卷

見七錄濤王鑿弟字茂略歷著作郎無錫令見鑿傳

又集四卷

見隋志次在釋僧肇集後題云王茂略集茂略王濤字也是書當是濤集五卷外別一本非複出

金紫光祿大夫荀邃集二卷錄一卷

見七錄邃附荀勗傳即勗孫字道玄

廷尉卿阮放集十卷錄一卷

本七錄唐新舊志五卷放附阮籍傳字思度

宗正卿張俊集五卷錄一卷

本七錄唐新舊志二卷新志作張峻元案類聚九十五有  
白兔頌一作張浚文選爲吳令謝詢求爲諸孫署守家人  
表注引孫盛晉陽秋張俊字士然吳國人又引晉百官名  
俊爲太子庶子疑張俊爲張俊之譌各書轉寫俊又譌爲

峻浚二字

汝南太守應碩集二卷

見七錄類聚五引存碩祝祖文

金紫光祿大夫張闔集二卷錄一卷

見七錄唐新舊志併作三卷今存嚴輯本闔有傳字敬緒

丹陽人云有牋表文議傳於世

揚州從事陸沉集二卷錄一卷

見七錄

驃騎將軍卞壺集二卷錄一卷

見七錄今存嚴輯本壺有傳字望之濟陰冤句人

光祿勳鍾雅集一卷

見七錄今存嚴輯本雅有傳字彥胃潁川長社人

衛尉卿劉超集二卷

見七錄今存嚴輯本超有傳字世瑜瑯琊臨沂人世說政  
事篇注引晉陽秋超字世踰既名超以踰爲是

衛將軍戴邈集五卷錄一卷

見七錄今存嚴輯本邈有傳字望之廣陵人

光祿大夫荀崧集一卷

見七錄崧有傳字景猷潁川臨潁人

大將軍溫嶠集十卷

見隋志注云梁錄一卷今存嚴輯本嶠有傳字太真太原

祁人

侍中孔坦集五卷錄一卷

本七錄隋志十七卷唐新舊志復作五卷今存嚴輯本坦

附孔愉傳字君平會稽山陰人

臧冲集一卷

見七錄

鎮南大將軍應詹集五卷

見七錄詹誤瞻唐新舊志三卷均作應詹今存嚴輯本詹有傳字思遠即貞子

太僕卿王嶠集八卷

本隋志新唐志二卷嶠附王湛傳字開山仕至廬陵太守不言太僕卿

衛尉荀闔集一卷

見七錄闔附荀勖傳字道明

鎮北將軍劉隗集二卷

本七錄唐新舊志三卷今存嚴輯本隗有傳字大連彭城

人

大司馬陶侃集二卷錄一卷

見七錄今存嚴輯本

丞相王導集十卷錄一卷

本七錄隋志併作十一卷唐新舊志復作十卷書鈔三十四又七十三通典三十二御覽二百六十五均引存作王丞相集今存嚴輯本導有傳字茂弘臨沂人

太尉郗鑒集十卷錄一卷

見隋志今存嚴輯本鑒有傳字道徽高平金鄉人

太尉庾亮集二十卷錄一卷

本七錄隋志併作二十一卷唐新舊志復作二十卷世說  
尤悔篇注書鈔七十三通典三十二御覽二百六十三引  
存亮集今存嚴輯本

散騎常侍虞預集十卷錄一卷

見七錄今存嚴輯本

平越司馬黃整集十卷錄一卷

見七錄今存嚴輯本

護軍長史庾堅集十卷錄一卷



本七錄隋志十三卷

司空庾冰集二十卷錄一卷

本七錄隋志存七卷唐新舊志復作二十卷書鈔五十三  
初學記十二引存冰集今存嚴輯本冰埶庾亮傳字季堅  
給事中庾闡集十卷錄一卷

本七錄隋志存九卷唐新舊志復作十卷今存嚴輯本闡  
傳云著詩賦銘頌十卷行於世

著作郎王隱集二十卷錄一卷

本七錄隋志存十卷今存嚴輯本

散騎常侍干寶集五卷

本七錄隋志存四卷今存嚴輯本

太常卿殷融集十卷

見隋志今存嚴輯本元案世說文學篇注引中興書融字

洪遠陳郡人累遷吏部尚書太常卿

衛尉張虞集十卷

見七錄唐新舊志五卷元案本書孝友傳存咸康中太守

張虞請旌孝子許孜疏即其人

光祿大夫諸葛恢集五卷錄一卷

見七錄御覽七百八又七百五十九又七百六十又八百八引存恢集今存嚴輯本恢有傳字道明琅邪陽都人

車騎將軍庾翼集二十卷錄一卷

本七錄隋志二十二卷唐新舊志復作二十卷類聚七十  
四御覽七百五十四引存翼集

司空何充集五卷

本七錄隋志存四卷唐新舊志復作五卷充有傳字次道

廬江灑人

御史中丞郝默集五卷

見七錄

征西諮議甄述集十二卷

本七錄唐新舊志五卷書鈔一百三十六引存述美女詩  
元和姓纂二甄姓云述中山無極人爲後漢上蔡令甄逸  
玄孫

武昌太守徐彥則集十卷

見七錄通典九十九有徐彥與征西桓溫牋當即彥則脫  
一則字

散騎常侍王愆期集十卷錄一卷

本七錄隋志存七卷唐新舊志復作十卷今存嚴輯本  
司空左長史王濛集五卷

見七錄今存嚴輯本濛外戚有傳字仲祖太原晉陽人

丹陽尹劉恢集二卷錄一卷

本七錄新舊唐志五卷今存嚴輯本元案世說賞譽篇注  
引宋明帝文章志曰劉恢字道生沛國人爲車騎司馬年  
三十六卒贈前將軍不言官丹陽尹

丹陽尹劉惔集二卷

見唐新舊志今存嚴輯本惔有傳字眞長沛國相人官至

丹陽尹唐志不詳官爵本志補題

益州刺史袁喬集七卷

本七錄唐新舊志五卷今存嚴輯本

尚書令顧和集五卷錄一卷

見七錄今存嚴輯本和有傳字君孝吳郡吳人

尚書僕射劉遐集五卷

見七錄今存嚴輯本元案世說品藻篇注引劉瑾集序曰

瑾字仲璋南陽人祖遐父暢娶王羲之女生瑾本書褚裒

傳永和中<sub>有</sub>吏部尚書即其人別又一劉遐有傳字正長

廣平易陽人官至北軍中郎將贈安北將軍在咸和以前  
不官尚書僕射

徵士江惇集三卷錄一卷

見七錄唐新舊志五卷

魏興太守荀述集一卷

見七錄

平南將軍賀翹集五卷

見七錄

尚書郎李軌集八卷

見七錄缺官補題

中書侍郎李充集十五卷錄一卷

本七錄隋志二十二卷缺官補題唐新舊志十四卷今存  
嚴輯本充傳云官至中書侍郎撰詩賦表頌等雜文二百  
四十首行世

司徒蔡謨集四十三卷

本七錄隋志存十七卷唐新舊志十卷今存嚴輯本

揚州刺史殷浩集五卷錄一卷

本七錄隋志存四卷唐新舊志復作五卷浩有傳字淵源



陳郡長平人唐諱淵故浩傳作深源

吳興孝廉鈕滔集五卷錄一卷

見七錄元案隋志集部有鈕滔母孫瓊集滔官題松陽令  
廣韻四十三等鈕韻注引何氏姓苑云今吳興人東晉有  
鈕滔也

宣城內史劉系之集五卷錄一卷

見七錄元案通典九十六又九十八有王冀答劉系之問  
尋陽太守庾純集八卷

本隋志唐新舊志二卷均作庾統今存嚴輯庾純集又輯

存庾統集元案庾純有傳字謀甫峻弟官終少府不言爲尋陽太守純在西晉初有集隋志不得次在東晉本書庾懌傳懌子統字長仁官終尋陽太守年二十九卒據此庾純當爲庾統之譌唐志爲是

庾赤玉集四卷

見隋志次在尋陽太守庾純集上玉誤作王元案世說賞譽篇注赤玉庾統小字赤玉集次在庾純集上則純爲統之譌無疑

驃騎司馬王修集二卷錄一卷

見七錄世說文學篇注引存修集今存嚴輯本修埒外戚

王濛傳字敬仁

衛將軍謝尚集十卷錄一卷

本七錄唐新舊志五卷今存嚴輯本尚有傳字仁祖陳國

陽夏人

青州刺史王俠集二卷

本七錄唐新舊志卷同俠均作浹元案本書穆帝紀永和  
五年六月揚州刺史王浹以壽陽來降唐志作浹並有其

人

西中郎將王胡之集五卷錄一卷

本七錄隋志十卷唐新舊志復作五卷今存嚴輯本胡之  
埶王廙傳字修齡

中書令王洽集五卷錄一卷

本隋志唐新舊志三卷書鈔五十七又一百五十六御覽  
三十五引存洽集今存嚴輯本洽埶王導傳字敬和

宜春令范保集七卷

見七錄

徵士范宣集十卷錄一卷

本七錄唐新舊志五卷今存嚴輯本

建安太守丁纂集四卷錄一卷

本七錄唐新舊志二卷纂見蔡謨傳曾官黃門郎

金紫光祿大夫王羲之集十卷錄一卷

本七錄隋志存九卷唐新舊志五卷通志復作十卷百三家集存一卷又存嚴輯本

散騎常侍謝萬集十卷

本七錄隋志十六卷唐新舊志復作十卷舊唐志謝萬作謝萬他本寫刻轉譌爲方世說文學篇注引存萬集今存

嚴輯本

司徒長史張憑集五卷

見隋志注云梁有錄一卷今存嚴輯本

高涼太守楊方集二卷

見七錄今存嚴輯本高涼方本傳作高梁

徵士許詢集八卷錄一卷

本七錄隋志存三卷世說賞譽篇注案語引存詢集今存

嚴輯本元案文選江文通雜體詩許徵君注引中興書云

高陽許詢字玄度又南史許懋傳高陽新城人五世祖詢

晉徵士

征西將軍張望集十二卷錄一卷

本七錄隋志存十卷唐新舊志三卷今存嚴輯本

餘姚令孫統集九卷錄一卷

本七錄隋志存二卷唐新舊志五卷今存嚴輯本統附孫

楚傳字丞公

晉陵令戴元集三卷錄一卷

見七錄

衛尉卿孫綽集二十五卷

本七錄隋志存十五卷唐新舊志同新志綽誤作紳百三家集存一卷又存嚴輯本

太常江迥集九卷

本隋志唐新舊志五卷今存嚴輯本迥有傳字載道陳留圉人云著阮籍序贊逸士箴及詩賦奏議數十篇

祠部郎謝沉集十卷

本七錄缺官補題唐新舊志五卷今存嚴輯本

江夏太守李錄集十卷錄一卷

見隋志缺官補題今存嚴輯本



光祿勳曹毗集十五卷錄一卷

本七錄隋志存十卷唐新舊志復作十五卷毗傳云文筆  
十卷傳於世書鈔五十七引存毗頤今存嚴輯本

又集四卷

隋志王茂畧集後又有曹毗集四卷當是前十五卷外別  
一本類次於此

郡主簿王箴集五卷

見七錄元案隋志史部雜史類有王箴史漢集要二卷官

題祠部郎

臨川王郎中劉彧集十六卷

見七錄缺官隋志史部雜傳類有長沙舊傳讚二卷題云  
臨川王郎中劉彧撰今據以補

張重華酒泉太守謝艾集八卷

本七錄隋志存七卷唐新舊志復作八卷今存嚴輯本元  
案宋書氏胡傳沮渠蒙遜子茂虔奉表獻方物并書有謝  
艾集八卷艾事附見張重華傳

撫軍長史蔡系集二卷

見七錄系蔡謨子埶謨傳世說雅量篇注引中興書云系

字子叔

護軍將軍江彬集五卷錄一卷

見七錄江彬爲江彪之譌新舊唐志卷同均誤作江霖書  
鈔六十引江彪駁議誤作江彪今存嚴輯本彪埒江統傳  
字思立官至護軍將軍領國子祭酒

安北將軍范汪集十卷

本七錄隋志存一卷缺官補題唐新舊志八

本

尙書僕射王述集八卷

本隋志唐新舊志五卷今存嚴輯本述埒王堪傳字懷祖  
北中郎參軍王度集五卷

見七錄缺官元案隋志史部霸史有二石傳二卷注云北  
中郎參軍王度撰据以補題今存嚴輯本

中領軍庾穌集二卷錄一卷

見七錄穌庾亮子埒亮傳

將作大匠喻希集一卷

見七錄今存嚴輯本

吳興太守孔嚴集十一卷錄一卷

本七錄唐新舊志五卷今存嚴輯本嚴坳孔愉傳字彭祖  
大司馬桓溫集四十三卷

本七錄隋志十一卷唐新舊志二十卷世說賞譽篇注引  
存溫集今存嚴輯本溫有傳字玄子譙國人

桓溫要集二十卷錄一卷

見七錄

豫章太守車灌集五卷錄一卷

見七錄元案車灌見本書桓溫傳曾官尚書

尚書僕射王坦之集五卷錄一卷

本七錄隋志七卷唐新舊志復作五卷今存嚴輯本垣之  
坳王堪傳字文度

左光祿王彪之集二十卷

本隋志注云梁有錄一卷書鈔一百三十四引存彪之集  
今存嚴輯本彪之坳王廙傳字叔武元案武即虎字唐諱  
虎故作武世說輕詆篇引王氏譜云虎犢彪之小字也彪  
之字叔虎又見淳化閣帖七

中書郎郗超集十卷

本七錄隋志存九卷唐新舊志十五卷今存嚴輯本超坳

補鑿傳字景興一字嘉賓

南中郎桓嗣集五卷

見七錄嗣桓冲子埶冲傳字恭祖

平固令邵毅集五卷錄一卷

見七錄

太學博士滕輔集五卷錄一卷

見七錄書鈔百二十引存輔祭牙文

苻堅丞相王猛集九卷錄一卷

見七錄今存嚴輯本本書苻堅載記猛字景略北海劇人

揚州刺史顧夷集五卷

見七錄缺官補題

散騎常侍鄭襲集四卷

見七錄今存嚴輯本元案宋書鄭鮮之傳鮮之滎陽開封人曾祖襲官至大司農南史鄭鮮之傳云祖襲大司農

撫軍掾劉暢集一卷

見七錄暢見世說品藻篇注劉瑾集序爲瑾之父

太常卿韓康伯集十六卷

見隋志今存嚴輯本



黃門郎范啓集四卷

本七錄唐新舊志五卷均誤作范起啓附范汪傳汪叔父  
堅之子字榮期父子並有文筆傳於世

豫章太守王恪集十卷

見七錄外戚王遐傳遐長子恪領軍將軍不言官豫章太  
守

零陵太守陶混集七卷

見七錄

海鹽令祖撫集三卷

見七錄

吳興太守殷康集五卷錄一卷

見七錄元案本書殷顓傳陳郡人父康字唐子書鈔一百四十四御覽八百五十九引存康集

太傅謝安集十卷

本隋志注云梁十卷錄一卷唐新舊志五卷今存嚴輯本  
中軍參軍孫嗣集三卷錄一卷

見七錄孫楚埶傳綽子嗣有綽風文章相亞位至中軍參

軍

司徒左長史劉袞集三卷

見七錄

御史中丞孔欣時集七卷

本七錄隋志八卷

游擊將軍伏滔集五卷錄一卷

本七錄隋志十一卷注云并目錄官補題唐新舊志復作  
五卷世說言語篇注引存滔集今存嚴輯本

滎陽太守習鑿齒集五卷

見隋志世說文學篇注引存鑿齒集今存嚴輯本

秘書監孫盛集十卷錄一卷

本七錄隋志五卷注云殘缺唐新舊志復作十卷今存嚴  
輯本

黃門郎顧淳集一卷

見七錄元案本書顧和傳子淳官黃門侍郎左衛將軍

東陽太守袁宏集二十卷錄一卷

本七錄隋志存十五卷唐新舊志復作二十卷宏傳云詩  
賦誄表等雜文凡三百首傳於世世說文學篇注引存宏  
集元和姓纂卷五一先肩吾姓條十姥古成姓條均引作

晉袁弘集今存嚴輯本

尋陽太守熊鳴鵠集十卷

見七錄元案熊遠傳弟縉子鳴鵠位至武昌太守不言尋陽

車騎司馬謝韶集三卷

見七錄元案謝萬傳子韶字穆度官至車騎司馬世說輕詆篇注引謝歆金昌亭詩序歆字疑韶之譌

車騎將軍謝玄集十卷

見唐新舊志今存嚴輯本

金紫光祿大夫王獻之集十卷

見七錄百三家集存一卷又存嚴輯本獻之附王羲之傳  
字子敬

琅邪內史袁質集二卷錄一卷

見七錄質附袁耽傳字道和陳郡夏陽人

湘東太守庾肅之集十卷錄一卷

見七錄今存嚴輯本元案庾闡傳云闡子肅之亦有文藻  
著稱

太宰從事中郎袁邵集五卷錄一卷

見七錄唐新舊志三卷

車騎長史謝朗集六卷錄一卷

見七錄唐新舊志五卷朗埒謝安傳字長度官終東陽太守不言車騎長史

車騎將軍謝頽集十卷錄一卷

見七錄

新安太守郗愔集五卷

本七錄隋志存四卷注云殘缺唐新舊志復作五卷今存嚴輯本愔埒郗鑿傳字方回

吳郡功曹陸法之集十九卷

見七錄

太常卿王珉集十卷

見隋志珉誤作岷注云梁有錄一卷今存嚴輯本王珉傳云追贈太常故知岷爲珉之譌

中散大夫羅含集三卷

見隋志

太宰長史庾舊集二卷

見七錄唐新舊志同元案舊當作倩庾冰傳子倩太宰長



史世說賞譽篇注徐廣晉紀曰倩字少彥

大司馬叅軍庾悠之集三卷

見七錄元案悠字當是攸之譌庾冰傳冰孫有攸之庾希子

司徒右長史庾凱集二卷

本七錄唐新舊志作庾軌

國子博孫士放集十卷

本七錄隋志一卷注云殘缺唐新舊志十五卷今存嚴輯

本元案孫盛傳子放字齊莊官終長沙相

聘士殷叔獻集三卷錄一卷

本七錄隋志四卷注云並目錄唐新舊志復作三卷元案  
本書殷顓傳顓弟仲文叔獻

北中郎叅軍蘇彥集十卷

見七錄今存嚴輯本

太子左率王肅之集三卷錄一卷

見七錄元案世說排調篇注引王氏譜肅之字幼恭義之  
第四子歷中書郎驃騎諮議不言官太子左率

黃門郎王徽之集八卷

見七錄今存嚴輯本王羲之埶傳子徽之字子猷

徵士謝敷集五卷錄一卷

見七錄今存嚴輯本敷隱逸有傳字慶緒會稽人

太常卿孔汪集十卷

見七錄今存嚴輯本元案汪埶孔愉傳官終征虜將軍平

越中郎將廣州刺史梁錄題作太常卿汪曾官此從其朔也

徐州從事陳統集七卷

見七錄缺官隋志經部有難孫氏毛詩評四卷注云晉徐

州從事陳統撰据以補題

太常王愷集十五卷

見七錄愷埒王湛傳字茂仁坦之子官丹陽尹追贈太常外戚傳王恂弟名愷在西晉初別一人

右將軍王忱集五卷錄一卷

見七錄今存嚴輯本忱埒王湛傳坦之子字元達

太常殷允集十卷

見七錄今存嚴輯本元案世說賞譽篇注引中興書曰允字子思陳郡人太常康第六子歷吏部尚書不言官太常

徵士戴逵集十卷錄一卷

本七錄隋志存九卷唐新舊志復作十卷今存嚴輯本

尚書左丞徐禪集六卷

見七錄今存嚴輯本目云禪咸康中為博士永和初轉尚

書郎累遷尚書左丞

光祿大夫孫廡集十卷

見七錄元案南史孔琳之傳父廡光祿大夫梁錄作孫廡

孫即孔之譌

廡為孔愉再從孫氏七錄作孫不為無据

廡

父沈即埒本書孔愉傳字德度辟丞相司徒掾瑯邪王文

學竝不就子廡位至吳興太守廷尉又宋書孔琳之傳祖  
沈晉丞相掾父殿光祿大夫殿又廡之譌闕里文獻考三  
十一著述門錄十七代孫晉廷尉廡集十一卷

太子前率徐邈集二十卷錄一卷

本七錄隋志存九卷注云并目錄唐新舊志八卷今存嚴  
輯本

給事中徐乾集二十卷錄一卷

本七錄隋志二十一卷注云并目錄今存嚴輯本

冠軍將軍張玄之集五卷錄一卷

見七錄元案世說言語篇注引續晉陽秋玄之字祖希吳郡太守澄之孫又本書謝玄傳云吳興太守晉寧侯張玄之亦以才學顯自吏部尚書與玄同年之郡而玄之名亞於玄時人稱爲南北二玄又王忱傳列女王凝之妻謝氏傳均作張玄無之字

員外常侍荀世之集八卷

見七錄

秘書監袁崧集十卷

見七錄缺官補題今存嚴輯本

黃門郎魏暹之集五卷

見七錄元案世說賞譽篇注引魏氏譜曰魏隱字安時會稽上虞人歷義興太守御史中丞弟暹黃門郎梁錄作暹之晉人單名多加之字

驃騎叅軍卞湛集五卷

見七錄

金紫光祿大夫褚爽集十六卷錄一卷

見七錄今存嚴輯本爽外戚有傳字茂弘河南陽翟人

豫章太守范寧集十六卷



本隋志唐新舊志十五卷今存嚴輯本

餘杭令范弘之集六卷

見七錄今存嚴輯本弘之儒林有傳字長文范汪孫

司徒王珣集十卷錄一卷

本七錄隋志併作十一卷唐新舊志復作十卷今存嚴輯

本珣附王導傳字元琳王洽子

處士薄蕭之集十卷

本七錄隋志存九卷唐新舊志復作十卷蕭之均作蕭之

安北叅軍薄要集九卷

見七錄

薄邕集七卷

見七錄薄邕疑字叔玄見本志經部薄叔玄問穀梁義四卷注

延陵令曹邁之集十一卷錄一卷

見七錄

孫恩集五卷

見隋志恩有傳一名靈秀琅邪人

殿中將軍傅綽集十五卷

見七錄

驍騎將軍弘戎集十六卷

見七錄今存嚴輯本目題弘君舉注云疑即弘戎字元案

庾冰傳弘戎爲阿曲人

御史中丞魏叔齊集十五卷

見七錄

司徒右長史劉寧之集五卷

見七錄

臨海太守辛德遠集五卷

本隋志七錄四卷唐新舊志復作四卷仍題辛德遠嚴輯  
本云爵里未詳据御覽三百三十七存洛戍時與桓郎牋  
一首元案本書安帝紀元興元年臨海太守辛景擊孫恩  
斬之世說德行篇注引安帝紀作臨海太守辛昞唐諱昞  
景即昞隋唐志不題昞名知德遠爲昞字

郭愔集五卷

見唐新舊志

車騎叅軍何瑾之集十一卷

見七錄元案通典五十五云東晉穆帝升平中何瑾請備

五岳祠當即瑾之

太保王恭集五卷錄一卷

見七錄今存嚴輯本恭有傳字孝伯太原人

南蠻校尉殷覲集十卷錄一卷

見七錄缺官補題顛有傳字伯通陳郡人

荊州刺史殷仲堪集十卷錄一卷

本七錄隋志十二卷注云并目錄唐新舊志復作十卷御覽八百三十六引存仲堪集今存嚴輯本

驃騎長史謝景重集一卷

見隋志元案謝朗傳子重字景仲爲會稽王道子驃騎長  
史隋志題作景重舉其字也

桓玄集二十卷

見隋志世說文學篇注引存玄集今存嚴輯本

丹陽令卞範之集五卷錄一卷

見七錄今存嚴輯本範之有傳字敬祖濟陰冤句人桓玄  
將爲篡亂以範之爲丹陽尹又見本書玄傳七錄題丹陽  
令令字誤

光祿勳卞承之集十卷錄一卷

見七錄今存嚴輯本目云卞承之字敬宗安帝時爲光祿  
勳又本書桓玄傳有秘書監卞承之

東陽太守殷仲文集五卷

本七錄隋志七卷唐新舊志同今存嚴輯本

司徒王謐集十卷錄一卷

見七錄今存嚴輯本謐有傳字雅遠導之孫

光祿大夫伏系之集十卷錄一卷

見七錄今存嚴輯本元案伏滔傳子系之又世說寵禮篇

注引邱淵之文章錄作伏系無之字字敬魯

右軍叅軍孔璠集二卷

本隋志唐新舊志卷同作孔璠之

衛將軍諮議湛方生集十卷錄一卷

見隋志今存嚴輯本据元和姓纂二十一侵湛姓條方生當爲新淦人

通直常侍顧愷之集二十卷

本七錄隋志存七卷今存嚴輯本愷之一作凱之本傳云所著文集及啓矇記行於世

太常卿劉瑾集五卷



本七錄隋志九卷舊唐志同新唐志八卷元案世說品藻篇注引存瑾序云瑾字仲璋南陽人又本書立傳云以平西長史劉瑾爲尙書初學記二十八引存瑾甘樹賦作宋人

左僕射謝混集五卷

本七錄隋志存三卷混附謝安傳字叔源

祕書監滕演集十卷錄一卷

本隋志唐新舊志一卷舊志演作衍元案宋書傅亮傳云演字彥將南陽西鄂人官至黃門郎祕書監義熙八年卒

司徒長史王誕集二卷

見隋志今存嚴輯本元案宋書有誕傳字茂世琅邪臨沂人官長史義熙九年卒又本書桓玄傳作驃騎長史王誕光祿大夫祖台之集二十卷

本七錄隋志存十六卷唐新舊志十五卷今存嚴輯本  
太尉諮議劉簡之集十卷

見七錄元案簡之即劉簡世說方正篇注引劉氏譜云簡字仲約南陽人大司馬叅軍又言語篇注引劉謙之晉紀作劉簡之又宋書劉道產傳父簡之作彭城呂人

丹陽太守袁豹集十卷錄一卷

本七錄隋志存八卷唐新舊志復作十卷今存嚴輯本元案本書袁質傳質子豹字士蔚爲太尉長史丹陽尹卒南史有豹傳歷官同云義熙九年卒

廬江太守殷遵集五卷錄一卷

見七錄

興平令荀軌集五卷

見七錄

西中郎長史羊徽集九卷

見隋志注云梁十卷錄一卷唐新舊志一卷類聚八十九  
存徽本樞賦宋書羊欣傳弟徽字敬猷後爲太祖西中郎  
長史南史羊欣傳云徽位河東太守卒

國子博士周祇集二十卷錄一卷

本七錄隋志存十一卷唐新舊志十卷今存嚴輯本

相國主簿殷闡集十卷錄一卷

見七錄今存嚴輯本目云闡義熙初會稽內史何無忌引  
爲掾屬後爲相國主簿元案殷闡集後有太常傅迪集十  
卷攷南史傅亮傳亮兄迪宋初終五兵尙書贈太常隋志

注引梁錄次晉誤本志不錄

始安太守卞裕之集十五卷

本七錄隋志存十三卷唐新舊志十四卷

韋公藝集六卷

見七錄

征西將軍毛伯成集一卷

見隋志缺官總集類有毛伯成詩一卷注云征西將軍据以補題世說言語篇注引征西寮屬名曰毛玄字伯成穎川人仕至征西行軍叅軍元案隋志毛伯成集後中間五

部有晉宗欽集二卷攷魏書宗欽傳始事蒙遜後仕魏拜  
著作郎坐崔浩誅在眞君十一年當宋元嘉二十七年集  
次在晉誤本志不錄新舊唐志宗欽集均次後魏

中軍功曹殷曠之集五卷

見七錄元案殷仲堪傳子曠之仕至郟令

太學博士魏說集十三卷

本七錄通志十卷元案世說排調篇注引魏氏譜云說官

至大鴻臚卿

征西主簿邱道護集五卷錄一卷

見七錄

柴桑令劉遺民集十卷

見七錄今存嚴輯本題云劉程之元案遺民本程之別號  
劉裕所旌

相國從事郭澄之集十卷

見七錄缺官補題元案澄之傳位至裕相國從事中郎封  
南豐侯卒於官所著文集行於世

徵士周桓之集一卷

見七錄全晋文目云桓之係續之之譌元案宋書隱逸傳

續之卒於宋景平元年梁錄旣題徵士與續之傳合隋志  
著錄宋文并亦不存續之集次晉容或誤入今存嚴輯周  
續之集

孔瞻集九卷

見七錄

張野集十卷

見七錄隋志引存次宋嚴輯本同据世說文學篇注存遠  
法師銘一首御覽四十一有遠廬山記嚴輯脫蓮社高賢  
張野傳字萊民州舉秀才南中郎府功曹治中徵散騎常



侍俱不就義熙十四年卒据傳集當次晉又高僧惠遠傳云野南陽人

沙門支遁集十三卷

本七錄隋志存八卷唐新舊志十卷今存二卷又存嚴輯本高僧遁有傳云集十卷

沙門支曇諦集六卷

見隋志今存嚴輯本元素廣弘明集諦卒於義熙七年五月邱道護有誄高僧曇諦傳云姓康其先康居人善屬文翰集有六卷卒於宋元嘉末二說各異姑仍隋志次晉

沙門釋惠遠集十二卷

本隋志唐新舊志十五卷今存嚴輯本元案高僧惠遠傳云所著論序銘贊詩書集爲十卷五十餘篇蓮社高賢遠法師傳同云號廬山集通志旣錄惠遠集十二卷又錄廬山集十卷複誤

姚萇沙門釋僧肇集一卷

見隋志今存嚴輯本肇高僧有傳京兆人師事鳩摩羅什司徒王渾妻鍾夫人集五卷

本七錄唐新舊志二卷今存嚴輯本列女有傳字琰潁川

人魏太傅繇曾孫父徽黃門郎世說賢媛篇注引王氏譜  
曰鍾夫人名琰魏太傅縉之孫又云夫人黃門琰女徽琰  
殊名孫曾異世未知孰是注又引婦人集曰夫人有文才  
其詩賦頌誄行於世

武帝左九嬪集四卷

本七錄唐新舊志一卷御覽目引作左貴嬪集又卷一百  
四十五引存左貴嬪集目錄今存嚴輯本本書后妃有傳  
名芬齊國臨淄人

太宰賈充妻李扶集一卷

見七錄

武平都尉陶融妻陳窈集一卷

見七錄今存嚴輯本

都水使者妻陳玠集五卷

見七錄今存嚴輯本元案御覽九百七十引徐藻妻陳氏石榴賦類聚二十二引晉徐藻妻陳氏與妹劉氏書据此知都水使者當爲徐藻梁錄存其官而脫佚名氏

海西令劉麟妻陳珍集七卷

本七錄唐新舊志五卷題云劉臻妻陳氏集本書列女有

劉臻妻陳氏傳據此唐志爲是梁錄作麟誤今存嚴輯本  
元案類聚二十二徐藻妻陳氏與妹劉氏書云伏見偉方  
所作先君誄又云元方偉方並年少而有盛才類聚三十  
四劉臻妻陳氏答舅母書悼傷元方有斯人斯命之語尋  
繹文意知珍即徐藻妻陳玠之妹書稱與妹劉氏玠與珍  
皆徐州從事陳統之姊統字元方見釋文序錄攷字典無  
珍字珍疑燥譌

劉柔妻王劭之集十卷

見七錄今存嚴輯本

散騎常侍傅伉妻辛蕭集一卷

見七錄今存嚴輯本元案類聚八十一引存傳統妻芍藥  
花頌菊花頌書鈔一百五十五引傳統妻元正詩據此知  
伉字爲統之譌

松陽令鈕滔母孫瓊集二卷

見七錄元案隋志引梁錄有鈕滔集五卷題云吳興孝廉  
當即其人後官松陽令初學記十六引滔母箜篌賦鈕作  
鈞類聚三十四引悼恨賦作晉劉滔母孫氏庾信集傷心  
賦序云劉韜之母即指此賦鈕劉互異而滔又作韜未知

孰是今存嚴輯本

成公道賢妻龐馥集一卷

見七錄

宣城太守何殷妻徐氏集一卷

見七錄

江州刺史王凝之妻謝道韞集二卷

見隋志今存嚴輯本本書列女有傳安西將軍弈女凝之  
有傳字叔平爲羲之弟唐陳子良辨正論注云道韞字元

韞

主簿木華集

見文選海賦注引七志曰木華字玄虛華集曰爲楊駿府

主簿傅亮文章志曰廣川木玄虛

長水校尉衛恒集

見書鈔六十二程邈作大篆條

冠軍參軍高柔集

見世說輕詆篇注引孫統爲高柔集序云柔字世遠樂安人官司空參軍安固令後何充取爲冠軍參軍又見本書

王浚傳浚將僭號司馬掾高柔劉搏切諫浚怒誅之



衛尉文立集

見華陽國志立傳云凡章奏集爲十篇詩賦論頌亦數十篇又本書立傳云字廣休巴郡臨江人著章奏詩賦數十篇行世

右別集三百八十一部凡二千七百七十八卷無卷數者  
四家

別集之名肇始東漢至司馬一代尤多上自天子降而王公卿士旁及閨壺女史沙門釋子下至逆臣盜賊各有撰著都而爲集記曰天下無道則辭有枝葉此之謂也隋志於亡書

外錄其見存者得一百五十餘部今攷其書名存而卷佚者又十之九吁可慨已傳迪宗欽兩集隋志次晉證之史傳析出屬宋本志不錄其餘略依先後編而次之冠以官爵亦遵其例缺者補題字與里郡有可攷者詳注卷後惟已見經史子部中者不贅

文章流別集四十一卷

學虞撰

本隋志注云梁六十卷志二卷論二卷唐新舊志作三十卷元案虞傳云撰文章類聚區分爲三十卷名曰流別集各爲之論全晉文存十二節

文章流別志論二卷

摯虞撰

本隋志元案是書即四十一卷中之論二卷鍾嶸詩品云摯虞文志詳而博贍頗曰知言即指是書書鈔類聚文選注御覽均引存又書鈔一百又一百二初學記二十一御覽五百八十五又五百八十六文選北征賦注均引作文章流別論無志字又御覽五百九十又五百九十六引作文章流別傳

文章流別本十二卷

謝混撰

見隋志

文章志錄雜文八卷

謝沉撰

見七錄

名文集四十卷

謝沉撰

見唐新舊志

集苑六十卷

謝沉撰

本唐新舊志七錄卷同隋志作四十五卷均脫撰人

翰林論五十四卷

李充撰

本七錄隋志唐新舊志崇目均作三卷秘目作三卷缺撰

人宋志三卷注云充一作元或作克元案鍾嶸詩品云李

充翰林疎而不切即是書文選海賦百一詩劇秦美新各  
注御覽五百八十五又五百八十八又五百九十五均引  
存

明眞論一卷

宗僖撰

見隋志

古今箴銘集十四卷

張湛撰

見隋志注云錄一卷新舊唐志十三卷

設論集三卷

東晉人撰

見七錄云東晉人撰

雜論九十五卷

般仲堪撰

見唐新舊志

晉歌章八卷

見隋志注云梁十卷

又十卷

見七錄

晉歌詩十八卷

見七錄

晉詩二十卷

索靖撰

見靖傳云撰索子晉詩各二十卷

二晉雜詩二十卷

見七錄

百一詩二卷

蜀郡太守  
李彪撰

見七錄唐新舊志卷同作百一詩集彪作夔

百志詩五卷

千寶撰

本七錄隋志九卷唐新舊志復作五卷均云百志詩集御

覽三百六引存一首

古游仙詩一卷

應貞注

見七錄

蘭亭詩一卷

見宋志次在郭璞集下陶淵明集上元案世說企羨篇引  
王羲之臨河叙曰故列序時人錄其所述右將軍太原孫  
承公等二十六人賦詩於左臨河叙即蘭亭詩序與帖本  
詳畧不同是卷殆總集孫承公等所賦之詩成書承公孫  
統字詩存宋桑世昌蘭亭考一

毛伯成詩一卷

見隋志



織錦迴文詩一卷

妻秦苻堅秦州刺史竇滔

見七錄今存蕙本書列女有傳唐則天皇后璇璣圖詩序

云蘇氏陳留令武功蘇道賢第三女

古今九代歌詩七卷

張湛撰

見七錄

古今五言詩美文五卷

荀綽撰

見七錄

晉元正宴會詩集四卷

伏滔袁豹謝靈運等撰

見唐新舊志新志無詩字靈運宋人在晉官至黃門侍郎

此卷當成於元熙以前故唐志題云晉元正宴會詩集

相風賦七卷 傳玄撰

見七錄元案書鈔一百三十存傳玄張華潘岳相風賦御

覽九存傅咸相風賦又八百九存杜萬年相風賦類聚六

十八存陶侃相風賦文選月賦注存牽秀相風賦

迦維國賦二卷 右軍行參軍虞千紀撰

見七錄

班固幽通賦一卷 項岱注

見唐新舊志舊志誤作岱撰隋志注引七錄作項氏注幽

通賦蕭廣濟注木玄虛海賦一卷一字上當脫一各字各  
爲一卷並不合併文選幽通賦注凡十引項岱曰即此注

海賦一卷

木華撰蕭廣濟注

見七錄本志分析錄之說見上賦存文選蕭注太平寰宇  
記卷七十二引存

三階賦三卷

左思撰

本通志隋志有五都賦六卷注云并錄張衡及左思撰本  
志据通志分析出之思賦今存文選卷四五六

齊階賦一卷

左思撰

本舊唐志新唐志作二卷七錄作齊隋賦二卷并音左思  
撰元案音本李軌撰唐新舊志有李軌齊都賦音可証梁  
錄誤合

齊隋賦音一卷

李軌撰

見唐新舊志

三都賦三卷

張載及侍中劉逵懷令衛瓘注

見七錄元案左思傳云三都賦既成張載爲注魏都劉逵

注吳蜀陳留衛瓘又爲思賦作略解又案魏志衛瓘傳瓘

陳留襄邑人注云瓘孫權字伯輿爲尚書郎作左思吳都

賦序及注據此知梁錄作懷令衛瓘思傳作陳留衛瓘瓘皆權之譌權爲陳留人思傳誤以衛瓘當之瓘字衛顛子字伯玉河東安邑人有傳可證劉逵注今存文選題云劉淵林即逵字又世說文學注引左思別傳曰思造張載問岷蜀事交接亦疏劉淵林衛伯輿竝早終皆不爲思賦序注凡諸注解皆思自爲欲重其文故假時人名姓也

又三卷

葛遂撰

見七錄元案御覽九百二十八左思蜀都賦引存遂注

三京賦音一卷

葛遂撰

見唐新舊志

二京賦二卷

李軌撰  
李遂撰

見七錄通志作三京賦一卷云李軌撰不言遂

二都賦音一卷

李軌撰

見隋志

子虛上林賦一卷

郭璞注

見七錄元案漢書序例云璞注漢書即此二賦注今存

靖恭堂頌一卷

涼王隴西李暠  
王隴西李盛撰

見隋志元案十六國春秋西涼錄李暠起靖恭堂以議朝

政圖贊自古聖帝明王忠臣孝子烈士貞女親爲序頌以  
作鑒戒即是書又云高撰賦數十篇高本書有傳

木連理頌二卷

太元十九年羣臣上

見七錄隋志又複錄在吳聲歌辭曲一卷下注內新舊唐  
志卷同不言太元十九年羣臣上元案太元孝武帝年號

雜碑二十二卷

將作大匠陳勰撰

見七錄

碑文十五卷

陳勰撰

見七錄

又十卷

車灌撰

見七錄

羊祜墮淚碑一卷

見七錄元案書鈔一百二引荊州圖記羊叔子與鄒潤甫嘗登峴山遠望叅佐爲立碑著故處百姓每行望碑莫不悲感名爲墮淚碑續古文苑据湖北通志存晋李興羊祜碑當即是書中之一也

桓宣武碑十卷

見七錄元案世說各篇桓溫稱宣武本書桓玄傳玄篡追



尊其父爲宣武皇帝類聚四十五有袁宏丞相桓溫碑銘

當入此書

碑論十二篇

郭象撰

見象傳

誠林三卷

葛洪撰

隋志引七錄列總集唐新舊志入子部儒家

四帝誠三卷

王誕撰

見七錄

連珠一卷

陸機撰  
何承天注

見七錄今存

晋代名臣集十五卷

見宋志總集類次三國志文類六十卷下祕目作十六卷

無代字

晋諸公奏十一卷

見七錄

劉隗奏五卷

見七錄元案隗奏畧存本傳

孔羣奏二十二卷

見七錄群附孔愉傳字敬林仕歷中丞

金紫光祿大夫周閔奏事四卷

見七錄閔附周顛傳字子騫

中丞劉劭奏事六卷

見七錄元案劭當作劭劉隗傳云從兄疇之子劭官終豫

章太守咸康世曾歷御史中丞世說言語篇注引文字志

劭字彥祖

中丞司馬無忌奏事十三卷

見七錄元案譙烈王無忌傳建元初遷散騎常侍轉御史

中丞故梁錄題作中丞

中丞虞谷奏事六卷

見七錄元案蘭亭考卷一有山陰令虞谷

中丞高崧奏事五卷

見七錄崧有傳字茂琰廣陵人

移檄章表三十卷

葛洪撰

見洪傳

典林二十三篇

石季龍太傅京兆章諛憲道撰

見諛傳云好直諫陳軍國之議多見允納著伏林三千餘

言遂演爲典林二十三篇

抱朴君書一卷

撰葛洪

見七錄

司徒書三卷

撰蔡謨

見七錄元案謨傳官司徒故書以官題名

山公啓事三卷

撰山濤

見隋志全晉文輯存五十餘事元案濤傳云濤所奏甄拔人物各爲題目時稱山公啓事

范寧啓事十卷

本七錄隋志存三卷新唐志復作十卷元案寧傳出補豫章太守上疏云請出臣啟事付外詳擇知啟事即奏疏

晉左將軍王鎮惡與劉丹陽書一卷

見七錄元案宋書王鎮惡傳北海劇人義熙十四年爲沈田子所殺追贈左將軍劉穆之傳字道和東莞莒人中軍太尉司馬義熙八年加丹陽尹劉丹陽當即穆之

書集八十八卷

散騎常侍  
王履撰

見隋志注云梁八十卷亡

善文五十卷

杜預撰

本隋志新唐志四十九卷史記高祖本紀索隱後漢書皇  
后紀群輔錄五處士均引存晁志云晉摯虞始作文章流  
別後世祖之而爲總集如蕭統所選是也據杜預撰善文  
五十卷則蒼萃文章自預始

雜集一卷

般仲  
堪撰

見隋志

策集一卷

般仲  
堪撰

見隋志

碑誄詩賦百卷

葛洪  
撰

見洪傳

方伎雜事三百一十卷

萬洪撰

見洪傳

子虛上林賦注

司馬彪撰

文選登徒子好色賦注引稱彪漢書子虛賦注又甘泉賦注引稱上林賦注又北征賦注引同又舞賦注引上林子虛賦注稱司馬彪曰又子虛上林二賦郭璞注外子虛賦彪注十二事上林賦彪注二十五事

魯靈光殿賦注

張載撰



見文選十一

七林

傅玄撰

見類聚五十七又御覽五百九十引摯虞文章流別論曰  
傅子集古今七論評之名曰七林

山公表注

賈弼之撰

見文選注十六又四十二又五十六

小道

侍中范陽盧欽子若撰

見欽傳云著詩賦論難數十篇名曰小道

杜預奏事

見書鈔四十五又五十五或引作奏記類聚五十四預本  
傳及禮志通典八十又八十二引存御覽屢引或作杜預  
集要

荀勗奏

見書鈔一百十一又一百十二

盧志奏

見書鈔一百四十

李重雜奏議

見書鈔四十九類聚四十五

裴秀奏事

見書鈔六十

傅咸集奏

見御覽目又卷三百四十五引作傅咸奏事初學記二十  
二引同又初學記十三書鈔九十均引作傅咸奏又御覽  
七百六十六引作傅咸劾事

孫楚集奏

見御覽目

孫盛奏事

見書鈔一百二十四御覽三百五十二

徐邈奏議

見御覽六百八十三

郭璞奏

見御覽八百二

右總集七十一部凡一千二百四十八卷無卷數者一十

五家

采百家撰著刪其繁蕪拮其精華分而合之條而貫之斯爲  
總集昭明選體徐陵玉臺皆是類也導其先河實源於杜預

善文摯虞流別今編此門凡詩賦箴銘策論書啓之作統歸  
於此詔令奏議隋志并錄茲据唐新舊志例分析出之詔令  
次入史部起居注後惟奏議仍舊

補晉書藝文志卷四終

弟子東安席闔運校字

旃蒙赤奮若之歲冬十月庚申潛廬先生卒卒之前二日閻  
運知不起以刊行補晉書藝文志請先生徐曰姑俟之閻運  
又以請時先生已不能言殆亦不聞人言乃書以進先生強  
視頷之嗚呼先生草是書幾四十年自桂林歸杜門絕人事  
覃思博涉又復強記心有所憶輒筆於書所損益既多則棄  
而更寫凡成帙者數十迨卒之歲猶第錄一通即今以爲定  
本是也始先生之東歸也人人以謂燭於幾先先生顧鬱鬱  
不自得有疾每不欲療治終莫敢測其旨及疾革神志無擾  
語不及他事惟長號二親而已嘗預爲終制慮家人不從顧

謂從子智周曰我死棺不得過三十金蓋少貧居親喪不得盡禮示不敢踰也居恒雖鬻文然不苟作必於其人以此屢不自給及爲故人刊遺書賙匱乏又若自忘其困然闔運生拙且惰於先生學誼末由窺見萬一顧平生事行大要已詳黃麓森字遶兩先生所爲志銘及傳中即是書之成亦第以爲補舊聞羅放佚而已詎足以盡先生哉明年闔運將劖劂是書慮日久或不能畢乃編活字印之逾年而成凡四卷又先生手校碧山樂府一卷所爲聯語二卷皆待續印其已行者世者爲文集六卷云疆圉單闕之歲冬十二月弟子席闔運

謹識

跋

一一一





